




საშურის მოახება



№20(344)

6 ივნისი, ორშაბათი, 2022 წელი

მუნიციპალიტეტის საკრებულოს სხდომა

2 ივნისს, გაიმართა მუნიციპალიტეტის საკრებულოს სხდომა, რომელსაც უძღვებოდა საკრებულოს თავმჯდომარის პირველი მოადგილე ლევან გამრეკელი..

სხდომაზე, საკრებულოს წევრებმა, დაამტკიცეს მესამე კვარტლის სამუშაო გეგმა. ამის შემდეგ, დეპუტატებმა, შექმნეს დროებითი სამუშაო ჯგუფი, როგორც სხდომაზე აღინიშნა, ამჟამად არსებული გამოწვევებიდან გამომდინარე, საქართველოს კონსტიტუციითა და სხვა საერთაშორისო ხელშეკრულებებით გარანტირებული ფუნდამენტური შრომის უფლების უკეთ რეალიზების, ცენტრალურ დონეზე დასაქმების ხელშეწყობის მს-



არდაჭერისა და შუამდგომლობების საზოგადოებაში ინტეგრაციის მიზნით, მიზანშეწონილია დამატებით, ადგილობრივ დონეზე, შემუშავდეს შუამდგომლობების დასაქმების ხელშეწყობის მუნიციპალური პროგრამა, რისთვისაც საჭიროა დადგინდეს (შესწავლილ იქნეს) პროგრამაში მონაწილე პირების სტატისტიკური მონაცემების ბაზა, სამუშაო ბაზრისთვის მათი საჭირო უნარ-ჩვევები, სწავლებები, გადამზადება და სხვა საჭიროებები. სამუშაო ჯგუფს დაევადა ამ საკითხზე, მუნიციპალური პროგრამის შემუშავებასთან დაკავშირებით, 3 თვის ვადაში წარმოადგინოს დასკვნა.

ამის შემდეგ, საკრებულოს წევრებმა, კენჭი უყარეს და თანხმობა მისცეს ფლევის საჯარო სკოლისთვის ნიკო ნიკოლაძის სახელის მინიჭებას.

სხდომის ბოლოს, მოისმინეს მუნიციპალიტეტის მერიის ადმინისტრაციული სამსახურის, შესყიდვებისა და მატერიალურ-ტექნიკური უზრუნველყოფის განყოფილების მიერ 2021 წელს გაწეული მუშაობის ანგარიში.



რომელშიც აღნიშნული იყო, რომ 2021 წელს, მუნიციპალიტეტის მიერ, გამოცხადებული იყო 160 ტენდერი, საიდანაც 96 დასრულდა დადებითი შედეგით და გაფორმდა ხელშეკრულებები. 53 ტენდერი არ შედგა, 7 ტენდერი დასრულდა უარყოფითი შედეგით, ოთხი კი შეწყდა. შემდგარი ტენდერების სავარაუდო ღირებულება შეადგენს 16 მილიონ 598 554 ლარს, გაფორმებული ხელშეკრულებების ჯამური ღირებულება-13 მილიონ 214 005 ლარს, ეკონომიამ კი შეადგინა 3 მილიონ 384548 ლარი.

საკრებულოს წევრებმა, მერიის ადმინისტრაციული სამსახურის, შესყიდვებისა და მატერიალურ-ტექნიკური უზრუნველყოფის განყოფილების მიერ 2021 წელს გაწეული მუშაობა, მსჯელობის შემდეგ, დადებითად შეაფასეს.

გენდერული თანასწორობის საბჭოს გასვლითი სხდომა წალვლში

28 მაისს, ე.წ. გამყოფი ხაზისპირა სოფელ წალვლის საჯარო სკოლაში, საშურის მუნიციპალიტეტის გენდერული თანასწორობის საბჭოს მორიგი გასვლითი სხდომა გაიმართა. სხდომას ესწრებოდნენ გენდერული თანასწორობის საბჭოს წევრები, მერის წარმომადგენელი წალვლის ადმინისტრაციულ ერთეულში ვაჟა ლომიძე, ქალთა საინფორმაციო ცენტრის ხელმძღვანელი ელენე რუსეცკაია და სამოქალაქო საზოგადოების წარმომადგენლები. სხდომა საბჭოს თავმჯდომარემ ნინო ლიპარტელიანმა გახსნა. გენდერული თანასწორობის საბჭოს წევრებმა მხარი დაუჭირეს მიმართვას საშურის მუნიციპალიტეტის მერიის საბიუჯეტო სამსახურისადმი, მომავალი წლის ბიუჯეტზე მუშაობის პროცესში, გენდერული თანასწორობის ხელშეწყობის, გენდერულ საკითხებზე

თანასწორობის საკითხებზე პასუხისმგებელმა პირმა ნინო სუბიაშვილმა მიმოიხილა გაეროს უშიშროების საბჭოს რეზოლუცია ქალების, მშვიდობის და უსაფრთხოების შესახებ. გამყოფი ხაზისპირა სოფელში ქალის როლზე საფრთხეების და კონფლიქტების მოგვარებისას, მომხსენებით გამოვიდა საშურის საგანმანათლებლო რესურსცენტრის ხელმძღვანელი ზვიად გოგუაძე. ბირთვული საფრთხის დროს თავდაცვის საკითხებზე ისაუბრა ეროვნული თავდაცვის აკადემიის ასისტენტ-პროფესორმა თორნიკე ქიმერიძემ. საბჭოს წევრებს დაურიგდათ შესაბამისი ბუკლეტები. დღევანდელი სხდომის ერთ-ერთი მთავარი თემა ქალთა მიმართ ძალადობა იყო. თემაზე სასაუბროდ მოწვევულები იყვნენ შსს საშურის რაიონული სამმართველოს ინსპექტორ-გამომძიებელი მანია წკრილაშვილი და ფსიქოლოგი რობერტ ქოჩიშვილი. საზოგადოებისა და მედიის როლზე ძალადობის წინააღმდეგ ისაუბრა ქალთა საინფორმაციო ცენტრის ექსპერტმა მამუკა გაჩეჩილაძემ. ბანერებით: „არა ქალთა მიმართ ძალადობას!“, „ნამდვილი მამაკაცი ქალზე არ ძალადობს!“ „დუმილი დანაშაული! ჩვენ არ გავზუმდებით!“ გენდერული თანასწორობის საბჭოს წევრებმა გააპროტესტეს ქალთა მიმართ ძალადობა და თბილისის საქალაქო ტრანსპორტში მომხდარი ფემინიციდის ფაქტი. სხდომის ბოლოს, ნინო ლიპარტელიანმა და ელენე რუსეცკაიამ ხელი მოაწერეს ურთიერთთანამშრომლობის მემორანდუმს საშურის მუნიციპალიტეტის გენდერული თანასწორობის საბჭოსა და ქალთა საინფორმაციო ცენტრს შორის



განსახორციელებელი აქტივობებისა და სხვა საორგანიზაციო ხარჯებისათვის, 2023 ბიუჯეტში, თანხის გათვალისწინების შესახებ. სხდომის ჩატარება სოფელ წალვლში გადაწყდა, რადგანაც მთავარ მიზანს წარმოადგენდა ადრეული გაფრთხილების სისტემის დანერგვა, კონფლიქტებზე დროული რეაგირებისა და მათი პრევენციის ხელშეწყობად. მუნიციპალიტეტის მერიის გენდერული

ქალები პოლიციის ფორმით

(წერილი იბეჭდება ხაშურის მუნიციპალიტეტის გენდერული თანასწორობის საბჭოსა და გაზეთ „ხაშურის მოამბის“ ერთობლივი პროექტის „თანასწორობის“ ფარგლებში).

ლანა ბოდიშვილი და თამარ ბარბაქაძემ ერთმანეთი შსს დაცვის პოლიციის დეპარტამენტის შიდა ქართლის რეგიონული სამმართველოს ხაშურის განყოფილებაში გაიცნეს, კერძოდ, ხაშურის მუნიციპალიტეტის ადმინისტრაციულ შენობაში.



სასიამოვნო მოულოდნელობა იყო, როდესაც, ერთ მშვენიერ დღეს, სამსახურში შემოსულებს ბარიერთან მორიდებულად მომღიმარი, ახალგაზრდა ფორმაში გამოწყობილი ქალბატონი დაგვხვდა, მეორე დღეს - მეორე ქალბატონი, ისიც გვიღიმიოდა და ჩვენს საპასუხო ემოციას მოუთმენლად ელოდა.

ჩვენი რეაქცია, რა თქმა უნდა, პოზიტიური იყო, ძალიან გაგვიხარდა და სულაც არ გაგვკვირვებია. საზოგადოებრივ საქმიანობაში ჩართული მეტი ქალი დღეს ხომ სახელმწიფო მიდგომაცაა და რეალობაც, რომ ქალებმა ყველა სფეროში წარმატებებს მიაღწიეს.

ლანას და თამარის პირადი ისტორიები ერთმანეთს ჰგავს, ორივესთვის პოლიციელობა და პოლიციელის ფორმა ბავშვობიდან პატრიოტიზმთან ასოცირდებოდა, თამარს მამა სკოლის დამთავრების შემდეგ, სამხედრო აკადემიაში ჩაბარებას სთხოვდა, თხოვნა ვერ შეუსრულა, მაგრამ დაცვის პოლიციის თანამშრომელი გახდა. ლანას პოლიციელის პროფესია ყოველთვის იზიდავდა, ბედნიერია, რომ მეუღლე და ოჯახი წუთითაც არ შეწინააღმდეგებია ოცნების განხორციელებაში.

ორივეს გაუმართლა იმაშიც, რომ დაცვის სამსახურში ვაკანსია გაჩნდა და ქალბატონების განაცხადიც დაკმაყოფილდა. დღეს



სრულყოფილ, საზოგადოებისთვის საჭირო ადამიანებად მიაჩნიათ თავი, უხარიათ სამსახურში მოსვლა, აქ სიტბოს, სიყვარულს ახვედრებენ, თავადაც გამოხატავენ იგივეს. არ დამალეს თავიანთი განსაკუთრებული პატივისცემა საკრებულოს თავმჯდომარის ნინო ლიპარტელიანის მიმართ, ძალიან ყურადღებიანი და მოსიყვარულეაო, გაგვენდნენ.

კიდევ გვყავს პოლიციელი ქალბატონი სურამის პოლიციის განყოფილებაში - ქეთევან ხარაზიშვილი, ის 2005 წლიდან მუშაობს სისტემაში, არის პოლიციის მაიორი, უბნის უფროსი ინსპექტორ - გამომძიებელი. იმ პერიოდისთვის ქალის პოლიციელობა შედარებით უცხო ხილი იყო, როგორც ქეთი აღნიშნავს, თავიდან გაოცებას ვერ მალავდნენ ვერც კოლეგები, ვერც მოქალაქეები, ოჯახიდან მამამ სრული მხარდაჭერა გამოუცხადა, უფრო მეტიც, შვილის ამ გადაწყვეტილებას სიხარულით შეხვდა.

ქეთევანი დასაოჯახებელია, ლანა და თამარი - დაოჯახებული, ჰყავთ მეუღლეები და ორ - ორ შვილსაც უზრდიან სამშობლოს.

ვულოცავთ მათ ამ მნიშვნელოვან ნაბიჯს და ბევრ წარმატებას ვუსურვებთ.

პ.ს. 31 მაისს პოლიციელის პროფესიული დღე აღნიშნა. ხაშურის მუნიციპალიტეტის დაცვის პოლიციელებს პროფესიული დღე მიულოცეს ხაშურის მუნიციპალიტეტის მერმა თენგიზ ჩიტიაშვილმა და საკრებულოს თავმჯდომარემ ნინო ლიპარტელიანმა.

ირინა გოცირიძე

მუნიციპალიტეტის მერი გამყოფი ხაზის მიმდებარე სოფლებში მცხოვრებ ბავშვებს შეხვდა

ხაშურის მუნიციპალიტეტის მერი თენგიზ ჩიტიაშვილი და განათლების, კულტურის და სპორტის სამსახურის ხელმძღვანელი კოტე ფრუიძე ე.წ. გამყოფი ხაზის მიმდებარე

სოფელ წაღვლში მცხოვრებ პატარებს შეხვდნენ და ბავშვთა დაცვის საერთაშორისო დღე მიულოცეს.

ბავშვთა დღესთან დაკავშირებით, გამყოფი ხაზის მიმდებარე სოფლებში - წაღვლსა და ჩორჩანაში მცხოვრები 11-15 წლის ბავშვები მუნიციპალიტეტის მერიის განათლების, კულტურის და სპორტის სამსახურის მხარდაჭერით და კავას კინოთეატრებთან პარტნიორობით „კავა ისტ პოინტში“ 3 მულტფილმს ნახავენ.



ქიმერიელების გვარის ისტორიისათვის

საყოველთაოდ ცნობილია, რომ, დაახლოებით, ჩვ.წ-ალ-მდე 3-4 ათასი წლის წინ, სამხრეთ საქართველოში, ტაოს საზღვრებში, ჩამოყალიბდა განვითარებული და მდიდარი ქართველ ტომთა გაერთიანება - სახელმწიფო დიაოხი, რომლის ჩრდილო ნაწილში მდებარეობდა სოფელი ახალდაბა.

დიაოხის მეზობელი ქვეყნები ასურეთი და ურარტუ ცდილობდნენ ხელში ჩაეგდოთ დიაოხის სიმდიდრეები და ტერიტორია. ამავდროულად პერიოდში, ჯავახეთის მხრიდან, დიაოხს მიადგა ჩრდილო კავკასიიდან გადმოსული მომთაბარე, ნახევრად ველური კიმერიელების ტომი. როდესაც ასირელები და ურარტუელები თავს დაესხნენ დიაოხს, კიმერიელებმაც მიიღეს მონაწილეობა დიაოხის მარცვა-ჟლეტვაში. მათთან წინააღმდეგობის გაწევისას ქართველები სასტიკად დამარცხდნენ. მოსახლეობის ნაწილი დაიხოცა ბრძოლებში, ნაწილი ტყვედ ჩავარდა, ხოლო მცირე ნაწილმა თავს უშველა ტყვეებში გაფანტვით. დიაოხმა შეწყვიტა არსებობა.

ჩვ. წ-ალ-მდე მერვე საუკუნეში კიმერიელების ტომი დაიშალა. ზოგი მათგანი დასახლდა მცირე აზიის ქვეყნებში, ზოგი კი საქართველოში. კიმერიელების ერთი ნაწილი (ალბათ დინასტია) დასახლდა ბორჯომის ხეობაში მდ. მტკვრის მარჯვენა სანაპიროზე, ახალდაბიდან 3 კმ-ში და სოფელს დაარქვეს ქიმერეთი. მათი ძირითადი საქმიანობა იყო ნადირობა, მეთევზეობა და სოფლის მეურნეობა. დროთა განმავლობაში, კიმერიელები დანათესავდნენ ქართველებთან, გაქართველდნენ და გვარიც თავიანთი ტომის პატივსაცემად, ქიმერიელები დაიწერეს.

323 წლის პირველ ივნისს, ჯავახეთის მხრიდან, საქართველოში, შემობრძანდა წმინდა ნინო კაბადოკიელი. ის ესტუმრა ფარავნის ტბასთან მდებარე სოფელ ფოკას, სადაც ადგილობრივი მოსახლეობა დიდად დააინტერესა თავისი ქადაგებით მართლმადიდებლობაზე, ისეო ქრისტეზე, მოციქულებზე და ა.შ. მათ დიდი პატივისცემით გააცილეს წმ. ნინო ქართლისკენ.

ამჟამად, სოფელ ფოკაში, პირველ ივნისს(ნინოობა), წმ. ნინოს საქართველოში შემობრძანების აღსანიშნავად ტარდება წირვა. წირვის შემდეგ, მორწმუნეები იწყებენ ფეხით მსვლელობას იმ გზის ნაწილზე, რომელზეც წმ. ნინომ ქართლის გასაქრისტიანებლად გაიარა.

ასევე, 323 წლის ივლისში, სოფელ ქიმერეთსაც ეწვია მგზავრობით დაღლილი წმ. ნინო, სტუმართმოყვარე ქიმერიელებმა, ქართული ტრადიციებისამებრ, მიიღეს კაბადოკიელი წმინდა ქალწული, რომელმაც მასპინძლებს დეტალურად მოუყვა საქართველოში თავისი ვიზიტის შესახებ. მეორე დღეს, ქიმერიელებმაც დიდი პატივით გააცილეს მცირე ასი სტუმარი ქართლისაკენ, დაკისრებული მისიის შესასრულებლად.

მცხეთაში ჩასვლის შემდეგ, წმ. ნინოს ქადაგების შედეგად მოქცეულმა ქართლის მეფე მერიანმა, გასცა ბრძანება საქართველოში მართლმადიდებლური რელიგიის სახელმწიფო რელიგიად გამოცხადების შესახებ. ეს ამბავი ქიმერიელებმა გაიგეს საქარავნო გზით გამვლელი ვაჭრებისგან და მათივე რეკომენდაციით, სოფლის ცენტრში ააშენეს პატარა ღვთისმშობლის სახელობის ეკლესია, ალბათ, ერთ-ერთი პირველი საქართველოში და გაქრისტიანდნენ.

ბორჯომის ხეობაში მეტნაკლებად მშვიდობიანი ცხოვრება გაგრძელდა 731 წლამდე, ანუ არაბების შემოსევამდე მურვან-ყრუს მეთაურობით, რომელმაც გასცა ბრძანება ეკლესია-მონასტრების და ციხეების

დანგრევის და მოსახლეობის ამოხოცვის შესახებ. მისი მხედრები პირნათლად ასრულებდნენ მეთაურის ბრძანებებს. ისინი არც ზავშეხვედნენ ინდობდნენ. გიორგი მერჩულე თავის წიგნში „ცხოვრება გრიგოლ ხანძთელისა“ არაბების მიერ დაპყრობილ ტერიტორიებს, გავრანებულ და უდაბნოდქვეულად იხსენიებს.

არაბების შემოსევის პერიოდში, ჯავახეთის ზეგანზე არსებობდა გაუვალი ნამძვარ-ფიჭვნარ-მუხნარი ტყეები, სადაც იქ მცხოვრები მოსახლეობა თავს აფარებდა და იქიდან თავს ესხმოდა დამპყრობლებს. არაბებმა ტყეებს წაუციდეს ცეცხლი მრავალ ადგილას. ხანძარმა გადაურა ჯავახეთის მთელ ტერიტორიას, ადგილობრივი მოსახლეობა იძულებული გახდა მიეტოვებინა იქაურობა და თავი შეეფარებინა ახლომდებარე ატენის, გუჯარეთის, მამის და ნემვის ხეობებისათვის. გახიზნული მოსახლეობა ხეობებში სახლდებოა გაფანტულად, ერთეულ ოჯახებად. ეს იყო მოსახლეობის გადარჩენის ერთადერთი გამოსავალი. ამის დსტურია ისიც, რომ ნემვის ხეობაში მონადირეების მიერ აღმოჩენილია რამდენიმე ათეული უძველესი ნასახლარის ნაშთები.

ჯავახეთის „ყდაბნოდ ქვევის“ შემდეგ, არაბთა ლაშქარი დაიძრა ქართლისკენ საქარავნო გზით, რომელიც გადადიოდა ქიმერეთზე.

ქიმერიელები გაიგებდნენ რა არაბების საშინელ ქმედებებზე და მიიღებდნენ სწორ გადაწყვეტილებას, სოფელს გადაწვავდნენ და გაიხიზნებოდნენ მთაში (ფოთოლეთში). ხელუხლებლად დატოვებდნენ მხოლოდ წმინდა ტაძარს.

ფოთოლეთის მონასტერმა და ნემვის „ლაგრამ“, უდიდესი როლი შეასრულა მართლმადიდებლობის განმტკიცებაში. ეკლესიის ზარებმა და იქ მოღვაწე სასულიერო პირებმა, მოიზიდეს ნემვის და მტკვრის ხეობებში გაფანტული მოსახლეობა. ნემვის მონასტრის ირგვლივ ჩამოყალიბდა საკმაოდ ძლიერი სოფელი, ხოლო ფოთოლეთის მონასტერში მოღვაწე წმინდა მამებმა ხელი შეუწყვეს არამარტო ტყეებში გაფანტული მოსახლეობის მობილიზებას, არამედ სოფელ ახალდაბის ისეთ ღონეზე აღორძინებას, რომ დიდი ქართველი მეცნიერი ვახუშტი ბატონიშვილი ახალდაბას ქალაქად მოიხსენიებდა. ის წერდა: „არს ახალდაბა მცირე ქალაქი მტკვრის ამიერ-იმიერ, მოსახლენი ქართველნი და ურიანი, აქ არს ხიდი მტკიცე, ახალდაბის სამხრეთით არს ციხე მაღალსა კლდესა ზედა, ხევი ნაზვისა, გამოდის ამას და მთას იქით შუას მთას“.

ზემოხსენებული მონასტრების ნაყოფიერი საქმიანობა გაგრძელდა 1393 წლამდე, ანუ მონღოლთა ურდოების შემოსევამდე. თემურ-ლენგის ჯარმა ორ თვეში „გააუდაბნო“ სამცხე-ჯავახეთი. ახალდაბაში დაანგრია ეკლესიები და სტრატეგიული ობიექტები, მათ შორის ფოთოლეთისა და ნემვის მონასტრები. ამოხოცა მოსახლეობა და სასულიერო პირები. შემდეგ კი საქარავნო გზით(მტკვრის ხეობა) გეზი თბილისისკენ აიღო.

2008 წელს, ფოთოლეთის მონასტრის ტერიტორიაზე ჩატარებული არქეოლოგიური გათხრების დროს აღმოჩენილია დაახლოებით 100 მოკლული ადამიანის თავების სამარხი. ზუსტად ასეთივე სამარხი აღმოჩენილია ნემვის მონასტრის მიმდებარე ტერიტორიაზე გზის გაფართოების დროს 1975 წელს, ტრაქტორისტ არტამა ჩადუნელის მიერ.

ზემოთ მოყვანილი ანალოგიის საფუძველის შეიძლება გავაკეთოთ დასკვნა, რომ ეს ტრაგიკული ქმედებები ჩადენილია ერთსა და იმავე პერიოდში, ანუ თემურ-ლენგის ჯარის მიერ, 828 წლის წინ(1393 წელს).

მიხეილ ზედელაშვილი

ერეკლე და სხვანი

ვინმეს ან რაიმეს საზიანოდ შეგნებულად ჩადენილი ბოროტება, ასეთი განმარტება აქვს ღალატს. ვეცადე, მაგრამ ამ ფორმულას ვერ მოვარგე ერეკლე მეფის ცხოვრება და მოღვაწეობა, თუმცა, ყველას თავისი აზრი და შეფასების კრიტერიუმები აქვს .

ქვემოთ მოვიტან რამდენიმე ფაქტს მეფე ერეკლეს ცხოვრებიდან, რომელიც ჩვენს რეგიონს უკავშირდება და რაც საშუალებას მოგვცემს, ვთქვათ, ეს ადამიანი შეიძლება თუ არა მოღალატე ყოფილიყო.

მოდო მოვუსმინოთ ქაიხოსრო მურვანიშვილს, სურამელ აზნაურს, რომელიც ორმოცდათხუთმეტი წელი იბრძოდა ერეკლეს გვერდით და ჯაბადარის (საჭურჭლთმტვირთველის) და ყაზახის მოურავის თანამემწის თანამდებობა ეკავა.

ყველა სახელოვან ომში მის გვერდით ვიყავიო, წერს ქაიხოსრო და აღწერს ომების ძირითად პერიპეტებს ..

აზატხანთან ომში სამი ათასი მეომრით, უზარბაზნოდ, თვარამეტი ათასი კაცი დაამარცხეს.

მჭადიჯვართან ავარიის ხანის რვაათასიანი ჯარი მოსპეს მცირე რაზმით.

ხერთვისი აიღეს და მრავალი ოსმალო დახოცეს. ასპინძის ბრძოლაში ოსმალებისა და ლეკების ჯარზე გაიმარჯვეს. მიუხედავად იმისა, რომ „რუსები დაგვიბრუნდნენ, არღა გვიშველეს“ თათრების ჯარი სულ მტკვარში ჩახოცეს, მეფე ერეკლემ კი მათი კოხტა ბელადი მოკლა თავისი ხელით.

ყვარელის ციხეზე ოცდაოთხი ათასი კაცით შემომდგარი ავარის ხანი სამასი კაცით გააქცევს.

ერეკლე მეფის გვერდით იყო ქაიხოსრო აღმაჰმადხანის წინააღმდეგ ომშიც და ბევრ სხვა ბრძოლებში, სულ ორმოცდაათი იქნებოდაო იგონებს იგი.

მუდმივ ბრძოლებში მყოფ ერეკლე მეფეს ქვეყნის ცხოვრების ყველა სფეროზე უწევდა ზრუნვა, სამართალი, ვაჭრობა , მშენებლობა, სოფლის მეურნეობა, საგარეო ურთიერთობები, წიგნის ბეჭდვა თუ თეატრის გახსნა. იგი იძულებული იყო, უწყვეტ რეჟიმში ემოღვაწა. ამასთან დაკავშირებით, ერთი მაგალითი მინდა მოვიტანო: საქართველოს ეროვნულ არქივში, კარბელაშვილების ფონდში, ინახება წერილი, ერეკლე მეფე წერს ოთარ მიმბაშს (ასისტავს), ქართლში მიმდინარე პროცესების შესახებ. წერილიდან კარგად ჩანს რომ მეფე სრულყოფილად ფლობს სიტუაციას, იძლევა დავალებებს და, სხვათა შორის, აღნიშნავს,-- ამ წერილს ცხენის კისერზე ვწერო. თითქოს ერთი ჩვეულებრივი ფრაზაა, მაგრამ რამდენის მთქმელი.

შეიძლება თუ არა, ასეთ მეფეზე ვთქვათ, რომ მან საქართველოსთან მიმართებაში შეგნებულად ჩადინა ბოროტობა. არა და არა! მისი მთელი ცხოვრება აბსოლუტურად საპირისპიროს მტკიცებულებაა.

დავით ჩადუნელი-ხაშურის მხარეთმცოდნეობის მუზეუმის წიგნადი ფონდის მცველი



ხაშურის მუნიციპალიტეტში ბავშვთა დაცვის საერთაშორისო დღე სხვადასხვა ღონისძიებებით აღინიშნა

ხაშურის მუნიციპალიტეტის საბავშვო ბაღების გაერთიანების ორგანიზებით, სამუსიკო სკოლის დარბაზში, ბავშვთა დაცვის დღისადმი მიძღვნილი კონფერენცია გაიმართა. კონფერენციას ესწრებოდნენ მუნიციპალიტეტის მერი თენგიზ ჩიტიაშვილი, მუნიციპალიტეტის საკრებულოს თავმჯდომარე ნინო ლიპარტელიანი, საბავშვო ბაღების აღმზრდელ-პედაგოგები, მშობლები, საზოგადოების წარმომადგენლები.

კონფერენცია გახსნა საბავშვო ბაღების გაერთიანების ხელმძღვანელმა ლელა გელაშვილმა. მომხსენებლებმა ისაუბრეს საბავშვო ბაღების საქმიანობაში მშობელთა ჩართულობის (წრომის საბავშვო ბაღის დირექტორი მანანა



ნინო თოთლაძე), ისაუბრეს ალტერნატიული ბაღის სტანდარტულ ბაღად გარდაქმნის პროცესზე (მე-14 საბავშვო ბაღის დირექტორი მაია ნინიაშვილი), ასევე განიხილეს საბავშვო ბაღი მშობლის პერსპექტივიდან (გია ჩხიტუნძის მშობელი ირინე ფერაძე).

კონფერენციას მისასალმებელი სიტყვით მიმართეს თენგიზ ჩიტიაშვილმა და ნინო ლიპარტელიანმა. მათ მადლობა გადაუხადეს საბავშვო ბაღების პერსონალს მომავალი თაობების სამსახურში გაწეული მნიშვნელოვანი საქმიანობისთვის. კონფერენციას მიესალმნენ ხაშურის საგანმანათლებლო რესურს ცენტრის პედაგოგი მანანა აბაზაძე და შსს-ს წარმომადგენელი მაია წკრიალაშვილი.

იმ დღესვე ხაშურის მე-5 საბავშვო ბაღის ბაზაზე რეაბილიტაცია-აბილიტაციის ცენტრი გაიხსნა, რომელიც საწყის ეტაპზე 20 ბენეფიციარს მოემსახურება.

ხაშურის მუნიციპალიტეტის მერი და საკრებულოს თავმჯდომარე ხაშურის ცენტრალურ პარკში საბავშვო ბაღების აღსაზრდელთა მიერ მომზადებული სახალისო აქტივობებსაც შეუერთდნენ.

პატარებს დღესასწაული ანიმატორებმა გაულამაზეს. ჩატარდა თოჯინების თეატრის სპექტაკლიც.

ღონისძიებები ხაშურის მუნიციპალიტეტის მერიის, ხაშურის მუნიციპალიტეტის საკრებულოს და კულტურის ცენტრების გაერთიანების მხარდაჭერით გაიმართა.



გოდელაშვილი), ძალადობის წინააღმდეგ ბრძოლაში საბავშვო ბაღების როლის (მეორე საბავშვო ბაღის დირექტორი თამარ ხომერიკი), ინკლუზიური განათლებისა და რეაბილიტაცია-აბილიტაციის (საბავშვო ბაღების გაერთიანების მთავარი სპეციალისტი მანანა ბერაია), კვებისა და ჰიგიენის (მე-6 საბავშვო ბაღის დირექტორი თეა ჭავჭავაძე) საკითხებზე. გამომსვლელებმა დამსწრე საზოგადოებას გაუზიარეს საუკეთესო პრაქტიკა (მე-7 ბაღის აღმზრდელი

კინოთეატრმა “კავეამ” საოკუპაციო ხაზთან

მცხოვრებ პატარებს უმასპინძლა

სამხარეო ადმინისტრაციის ინიციატივითა და რეგიონის მუნიციპალიტეტების მერიების ორგანიზებით, კინოთეატრების ქსელმა “კავეამ” საოკუპაციო ხაზთან მცხოვრებ პატარებს ბავშვთა დაცვის საერთაშორისო დღესთან დაკავშირებით ანიმაციურ ფილმზე უმასპინძლა, „თბილისი მოლის“, „ისთ ფონთისა“ და „სითი მოლის“ “კავეას” კინოთეატრებში ხაშურის, ქარელის, კასპისა და გორის მუნიციპალიტეტების საოკუპაციო ხაზთან მცხოვრებმა პატარებმა ანიმაციური ფილმები - “ზღარბი სონიკი” და “წითელი პანდა” ნახეს.

ფილმის დაწყებამდე შიდა ქართლის სახელმწიფო რწმუნებულის მოადგილე აბელ აბესაძე და გორის მუნიციპალიტეტის მერი ლადო ხინჩიგაშვილი ბავშვებს შეხვდნენ, ბავშვთა დაცვის დღე მიულოცეს და ბედნიერი ბავშვობა უსურვეს.

“ბავშვები იმსახურებენ ყველაფერ საუკეთესოს, ამიტომ, 1 ივნისთან დაკავშირებით, დაიგეგმა დღევანდელი ღონისძიებაც. მადლობას ვუხდით კინოთეატრების ქსელ “კავეას” თანამშრომლობისთვის და გამოჩენილი სოციალური პასუხისმგებლობისთვის. ვფიქრობ, მნიშვნელოვანია საჯარო და კერძო სექტორის თანამშრომლობა, მითუფრო, როდესაც საკითხი ბავშვების კეთილდღეობას ეხება. ვულოცავ თითოეულ ბავშვს და განსაკუთრებით, შიდა ქართლის რეგიონში მცხოვრებ ბავშვებს დღევანდელ დღეს, ლაღ ბავშვობას და ბედნიერ მომავალს ვუსურვებ” - აღნიშნა რწმუნებულის მოადგილემ აბელ აბესაძემ.



მოგვაწოდეთ თქვენი მოსაზრებები

მვირფასო მეგობრებო, ზემო სერის ტყე-პარკი უფროსი თაობის ყველა ხაშურელის მესიერებაში საპატიო და სასიამოვნო ადგილს იკავებს, როგორც ულამაზესი ადგილი დასვენებისა და გართობისთვის. შესაბამისად, მისი აღდგენა ხაშურის მოქალაქეთა აბსოლუტური უმრავლესობის სურვილია. მუნიციპალიტეტი გეგმავს ტყე-პარკის რეაბილიტაციას.



მიმდინარე წელს სამუშაოების პირველი ეტაპის განხორციელება იგეგმება. პროექტი მომავალ წელსაც გაგრძელდება და საბოლოოდ, ტყე-პარკი კვლავ გადაიქცევა ხაშურელთათვის საყვარელ ადგილად დასვენებისა და ჯანსაღი ცხოვრების წესის რეალიზაციისთვის.

გამოქვეყნებული ფოტომასალით გთავაზობთ ზემო სერის ტყე-პარკის სარეაბილიტაციო გეგმის მონახაზს.

მუნიციპალიტეტი სიამოვნებით მიიღებს თქვენს მოსაზრებებს, რეკომენდაციებს და იდეებს არსებული მონახაზის შეცვლასთან ან გაუმჯობესებასთან დაკავშირებით.

გთხოვთ, ი ა ქ ტ ი უ რ ე თ , გამოხატეთ აზრი კომენტარებში, ან მოგვაწოდეთ მოსაზრებები ო ფ ი ც ი ა ლ უ რ ე ლ ფ ო ს ტ ა ზ ე : info@khashuri.gov.ge



- ფეხბურთი -

„ივერია“ ივერიაზე დაბრუნდა

დასრულდა ლოდინი, რომელიც ორათეულ წელზე მეტი გაიწვია, დასრულდა იმაზე ფიქრი და, თუ გნებავთ, დარდიც, რომ ისეთი ტრადიციების მქონე გუნდს, როგორც საშურის „ივერია“, საკუთარი სტადიონი არ გააჩნდა. არადა, ტრადიციას, რომელსაც საუკუნეზე მეტი ხნის ისტორია აქვს, მართლაც არ ეკადრებოდა საფეხბურთო მოედნის გარეშე ყოფნა. პირველი სიხარულის სხივი ამ ხუთიოდე წლის წინ გამოჩნდა, როდესაც დაანონსდა, რომ „ივერიას“ ახალი სტადიონი ექნებოდა. ადგილობრივი ხელისუფლების მცდელობამ, რომელსაც მთავრობის და ფეხბურთის ფედერაციის თანადგომაც დაერთო, საბოლოოდ შედეგიც გამოიღო და საშურმა, „ივერია“ და თითოეულმა ჩვენგანმა მიიღო უღამახესი და თანამედროვე სტანდარტებს მორგებული სტადიონი. მართალია, მისი ოფიციალური გახსნა, ფეხბურთის ფედერაციის თხოვნით, სანაკრებო თამაშების შემდეგ (ივლისის მეორე ნახევარში) გადაიდო, მაგრამ ის, რაც პირველ ივნისს ტადიონზე ხდებოდა, მართლაც ერთ რამედ ღირდა. საფეხბურთო ზეიმს ისე ყოფილა ჩვენი ქალქი მონატრებული, რომ იმ



დღეს, საშურში, რომელიც გამოთქმის ინტერპრეტაცია რომ ვიხმართ, ყველა გზა სტადიონისკენ მიდიოდა. ფეხბურთის ნამდვილ გულშემატკივრებს რომ თავი დავანებოთ, იქეთ მიემართებოდა დიდი თუ პატარა, ქალი თუ კაცი. ეს იყო ნამდვილი საფეხბურთო ზეიმი-სავსე ტრიბუნებით, ამაღლებული განწყობით და რაც მთავარია, ჩვენი გუნდის საოცარი თამაშით.

„ივერია“ წელს, რეგიონ ლიგაში ასპარეზობს. გეთანხმებით, რომ ჩვენს საფეხბურთო ტრადიციებს არ შეესაბამება ეს ლიგა, მაგრამ, სამწუხაროდ, რეალობა და მოცემულობა ასეთია და გვინდა, დავიჯეროთ, რომ იმ ზღაპრული ფენიქსით, „ივერიაც“ აღდგება ფერფლიდან და ძველ ნიშნულს დაუბრუნდება, ამის ნიშნები კი აშკარაა, პირველ რიგში, ადგილობრივი ხელისუფლების უზომო ინტერესი ამისადმი, მეორე-შესანიშნავი სტადიონი და მესამე და მთავარი: მშვენიერი ახალგაზრდული გუნდი, რომელსაც უკვე მოტივაციაც გააჩნია და ამბიციაც. რა თქმა უნდა, უპირველესად, ამის მიღწევა ფინანსებზე იქნება დამოკიდებული

- თავისუფალი ჭიდაობა -

ოქრო და ვერცხლი ყვარელიდან

ყვარელში გამართულ დავით ფერიაშვილის ხსოვნისადმი მიძღვნილ საერთაშორისო ტურნირზე, 15 წლამდე ჭაბუკთა შორის თავისუფალ ჭიდაობაში, ორმა საშურელმა ფალავანმა წარმატებით იასპარეზა.



ლევან ნოზაძემ 38 კ.გ. წონით კატეგორიაში ჩემპიონობა მოიპოვა. გიორგი თედუმელიძე 62 კ.გ. წონით კატეგორიაში მეორე ადგილი დაიკავა. ვუსურვოთ მათ მომავალშიც, დიდი წარმატება. ამ შეჯიბრის მოგებით ლევან ნოზაძემ მოიპოვა

და სწორედ აქაა ადგილობრივი ხელისუფლებისა და ჩვენი მაჟორიტარი დეპუტატის უდიდესი როლი, რომლებიც ხმამაღლა აცხადებენ, რომ ფინანსებს აუცილებლად მოიძიებენ და „ივერიას“ წინსვლაში დაეხმარებიან. წინაპირობა კი უკვე არის საშურში ფეხბურთის განვითარების ფონდის შექმნით, რომელშიც მრავალი ადგილობრივი ბიზნესმენი გაერთიანდა და მზად არიან, გუნდს გვერდში დაუდგნენ. რაც შეეხება თვითონ მატჩს, იგი მართლაც სანახაობრივი გამოვიდა, სწორედ ისეთი, ნამდვილ ზეიმს რომ შეეფერება. „ივერია“ გათამაშების ერთ-ერთ ლიდერს მასპინძლობდა-თბილისის „ვარკეთილს“. მოგების შემთხვევაში კი „ივერია“ ხდებოდა ლიდერი. პირველი წუთები ჩვენმა გუნდმა, მეორე ნომრად დაიწყო თამაში, თუმცა როგორც აღმოჩნდა, ეს ტაქტიკის ნაწილი იყო, სადაც 15 წუთიდან თამაში გათანაბრდა და ამის შემდეგ, უკვე „ივერია“ გადავიდა მასირებულ შეტევაზე. ტრიბუნების უზომო მხარდაჭერის შემდეგ, პირველი მოსავალიც მოვიმკეთ: ნიკა ივანაშვილმა 25-27 მეტრიდან ისე გაისროლა, მეკარე უძღური აღმოჩნდა, ბურთმა ჯერ მარჯვენა ძელი მოხიჯა და შემდეგ ბადეში გაეხვია 1-0. რამდენიმე



მწვავე მომენტი კიდევ იყო ტაიმის დასრულებამდე, მაგრამ ანგარიში აღარ შეცვლილა. მეორე ტაიმში იგივე სცენარი განმეორდა, „ივერია“ ძირითადად უტევედა, სტუმრები კი კონტრშეტევებით პასუხობდნენ. რამდენჯერმე ბრწყინვალედ ითამაშა ჩვენმა მეკარემ ბორის დერევიანი-კომ. თუმცა ერთ-ერთი ასეთი კონტრშეტევის შემდეგ, მაინც მიაღწიეს საწადელს და ანგარიში გათანაბრდა-1-1. სულ რამდენიმე წუთი იყო გასული და „ივერია“ კვლავ წინ გავიდა. ტატო ჩაღუნელმა მშვენიერი პასი მიიღო მარჯვენა ფლანგზე, ბურთიც დიდებულად დაამუშავა და შორეულ კუთხეში ჩაატედა-2-1. ასე დასრულდა ეს მატჩი, თუმცა, ამის შემდეგაც არ დაშლილა მაყურებელი და კიდევ დიდხანს ისმოდა სტადიონიდან მონატრებული და მქუხარე შეძახილი-„ი-ვე-რი-ა“, „ი-ვე-რი-ა“...

ღიას, ზეიმი შედგა, თუმცა გეჯერა, წინ კიდევ ბევრი მსგავსი ზეიმები გველის. თუნდაც 15 ივლისს (სტადიონის გახსნის ოფიციალური ზეიმი, ალბათ, ამ თარიღის შემდეგ იქნება)-როდესაც „ივერია“ გათამაშების პირველადგილოსანს თბილისის „გლდანს“ მასპინძლობს. მადა ჭამაში მოდისო, ნათქვამია და ერთი ლიდერი კი ჩამოვიშორეთ და ვითომ რა უჭირს, მეორეც რომ თავჩაქინდრული გაგუშვათ საშურიდან?

არც არაფერი!

გ. გოგოლაძე

საგზური რუმინეთის საერთაშორისო ტურნირისათვის, ნაკრები გუნდის შემადგენლობაში



ა(ა)იპ საშურის მუნიციპალიტეტის გაზეთი „საშურის მოამბე“. დირექტორი და გაზეთის რედაქტორი გიორგი გოგალაძე, მისამართი: საშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: საზინის ერთიანი ანგარიში, საიდენტიფიკაციო კოდი 443860984, სახელმწიფო საზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.